

Bibël për fëmijët paraqet

Mrekullitë e Jezusit



Shkruar nga: Edward Hughes
Ilustruar nga: Byron Unger; Lazarus

Përkthyer nga: Arianit Iljazi
Adaptuar nga: E. Frischbutter; Sarah S.

Tregimi 40 nga 60
www.M1914.org

Bible for Children, PO Box 3, Winnipeg, MB R3C 2G1 Canada

E drejta e kopjimit: Mund të bëni kopje ose ta shtypni këtë histori, nëse nuk do ta shitni.


Shqip

Albanian


Jezusi bëri shumë mrekulli; mrekullitë ishin shenja për të treguar se Jezusi është me të vërtetë Biri i Perëndisë. Mrekullia e parë ndodhi në një dasëm. Atje doli një problem. Nuk kishte verë mjaftushëm për të gjithë.



Maria, nëna e Jezusit, i tregoi Atij rreth problemit, pastaj u tha shërbëtorëve të bënin ashtu si Jezusi do të urdhëronte.



"Mbushini këto poçe me ujë",
tha Jezusi. "Ujë", do kenë pyetur
ata veten. Po, ujë është ajo që
Jezusi kërkoi.



3

Pastaj Jezusi u tha
shërbëtorëve të
merrnin një kanë
të madhe dhe t'ia
jepnin të parit të
dasmës për ta
provuar.



4

Shërbëtorët u mrekulluan.
Jezusi e kishte kthyer
ujin në verë. Vetëm
Perëndia mund të bëjë
mrekulli të tilla.



5

Jezusi bëri edhe
mrekulli të tjera.
Një mbrëmje, Ai
dhe dishepujt e
Tij, shkuan tek
shtëpia e Pjetrit.
Vjehrra e Pjetrit
ishite shumë e
sëmurë me ethe.



6

Jezusi preku dorën e gruas së sëmurë. Brenda një
çasti ajo u shërua. Ajo u çua menjëherë, dhe i
shërbeu Jezusit dhe dishepujve të Tij.




7

Dukej se i gjithë
qyteti u mbledh tek
dera atë mbrëmje.
Njerëz të sëmurë
erdhën - të verbër,
të shurdhër, memecë
e të çalë. Madje
edhe njerëz të
zotëruar nga
djaj, u dyndën
tek Jezusi.



8

Jezusi, Biri i Perëndisë mund të ndihmote. Jezusi ndihmoi. Të gjithë, që vinin tek Ai për shërim, shëroheshin. Njerëzit që më parë ecnin me paterica, tani mund të ecnin, vraponin, dhe hidheshin nga gëzimi.



9

Edhe të tjerë që ishin shëmtuar prej lebrës erdhën.



10

Ata u bënë shëndoshë e mirë, nëpërmjet pastrimit dhe shërimit që Jezusi u dha.



11

Burra e gra të cflitur nga demonët, qëndruan përpara Jezusit.

Ai urdhëroi djajtë të largoheshin nga ata. Ndërsa djajtë bindeshin, njerëz që kishin qenë të trishtuar dhe të frikësuar, u qetësuan dhe u mbushën plot gëzim.



12

Mbas shpinës së një turme njerëzish, katër njerëz u përpoqën të ndihmojnë mikun e tyre. Por ata nuk po afroheshin dot. Çfarë mund të bënin ata?



13

Duke e ngritur njeriun e sëmurë mbi çatinë e shtëpisë, të katër miqtë besnik, hapën çatinë dhe e ulën të paralizuarin poshtë. Tani, ai ishte pranë Jezusit.



14

Jezusi pa që të katër miqtë kishin besim. Ai i tha njeriut të sëmurë, "Mëkatet e tua të janë falur. Merre shtratin tënd dhe ec". Njeriu u ngrit në këmbë, i fortë dhe shëndoshë e mirë. Jezusi e kish shëruar atë.




15

Shpejt pas kësaj, Jezusi ishte në varkë me dishepujt e Tij. Një stuhi e frik' shme e trazoi keq detin; Jezusi po flinte. Dishepujt e tmerruar e zgjuan Atë. "Zot, na shpëto". "Po mbytemi".




16

"Qetësohuni", urdhëroi Jezusi dallgët. Menjëherë deti u qetësua. "Çfar' lloj njeriu, është ky"? pëshpëritën dishepujt e Tij. "Madje edhe deti dhe dallgët, i binden Atij".



Ata besuan se Jezusi është Biri i Perëndisë, sepse mrekullitë e Tij tregonin lavdinë e Tij. Dishepujt nuk e dinin në ato çaste, por ata do ta shihnin Jezusin të kryente mrekulli edhe më të mëdha, ndërsa Ai i shërbente Perëndisë në mes të njerëzve.



17

18

Mrekullitë e Jezusit

Një tregim nga Fjala e Perëndisë, Bibla

e marrë nga

Mateut 8-9, Markut 1-2, Makut 4, Llukës 4,
Llukës 8, Gjonit 2

"Zbulimi i fjalëve të tua ndriçon dhe u jep mendje njerëzve të thjeshtë."

Psalmet 119:130

Perëndia e di që ne kemi bërë gjëra të këqija, të cilat Ai i quan mëkate. Denimi për mekatin është vdekja.

Perëndia na don neve aq shume sa që dërgoi Birin e Tij, Jezusin, që të vdes në Kryq dhe të paguaj dënimin tonë. Pastaj Jezusi u ringjall dhe u ngrit lartë në Qiell.

Nëse ti do që të pendohesh, thuaja këtë Perëndisë: Perëndi i dashur, unë besoj në Jezusin që vdiq për mua dhe jeton. Të lutem eja në jetën time dhe m'i fal mëkatet, në mënyrë që të kem jetën e re. Dhe që të jem me Ty përgjithmon. Më ndihmo që të jetoj për Ty si fëmija i Yt. Amen. Gjoni 3:16

Lexo Biblën dhe fol me Perëndinë çdo ditë!